

ԱՄԵՆԱՅՆ ՀԱՅՈՑ ԳԱՐԵԳԻՆ Բ. ԿԱԹՈՂԻԿՈՍԻ ՀԱՅՐԱՊԵՏԱԿԱՆ
ՕՐՀՆՈՒԹԵԱՆ ԳԻՐԻ ԵՒ ՀՀ ՆԱԽԱԳԱՀ ՍԵՐԺ ՍԱՐԳՍԻՍԵԱՆԻ
ՇՆՈՐՀԱԻՈՐԱԿԱՆ ՈՒՂԵՐՁԻ ԸՆԹԵՐՑՈՒՄ ՀԱՅ ԱԻԵՏԱՐԱՆԱԿԱՆ
ԲԵԹԵԼ ԵԿԵՂԵՑԻՈՑ ՄԷՋ

Երկուշաբթի, 27 Յունուար, 2014-ին, Հալեպի Հայ Աւետարանական Բեթել եկեղեցիին գրասենեակին մէջ տեղի ունեցաւ, Հայաստանի Հանրապետութեան Հալեպի գլխաւոր Հիւպատոս Մեծարգոյ Տիար Կարէն Գրիգորեանի ձեռամբ՝ Սուրիոյ Հայ Աւետարանական Համայնքի Համայնքապետ վերապատուելի Յարութիւն Սելիմեանին, Ն.Ս.Օ.Տ.Տ. Գարեգին Բ. Կաթողիկոսին Օրհնութեան եւ Հայաստանի Հանրապետութեան Վսեմաշուք Նախագահ Սերժ Սարգսեանի շնորհաւորական Գիրերու փոխանցումը:

Առ այդ, Կիրակի 2 Փետրուար 2014-ին, Հայ Աւետարանական Բեթել եկեղեցիի քարոզի պաշտամունքի ընթացքին, ներկայութեանը՝ Հայաստանի Հանրապետութեան Հալեպի գլխաւոր հիւպատոս Մեծարգոյ Տիար Կարէն Գրիգորեանին, Համայնքապետ Վերապատուելի Յարութիւն Սելիմեանին, հոգեւոր հովիւներուն, Հայ Աւետ. Բեթել Երկրդ. Վարժարանի տնօրէնութեան, ուսուցչակազմին, աշակերտութեան եւ հաւատացեալ բազմութեան տեղի ունեցաւ երախտանքի հանդիսութիւն:



Առաջին հերթին Վեր. Յարութին Սելիմեան ընթերցեց Ն.Ս.Օ.Տ.Տ. Գարեգին Բ. Կաթողիկոսին Օրհնութեան Գիրը, ապա Հայաստանի Հանրապետութեան Վեմաշուք Նախագահ Սերժ Սարգսեանի շնորհաւորագիրը ուղղուած Հալէպի Հայ Աւետարանական Բեթել Երկրորդական վարժարանի անձնակազմին եւ աշակերտութեան:

Մեծարգոյ Տիար Կարէն Գրիգորեան իր խօսքին մէջ լուսարձակի տակ առաւ Ն.Ս.Օ.Տ.Տ. յղած կոնդակին եւ Հ.Հ. Նախագահ Սերժ Սարգսեանի ուղերձին բովանդակութիւնն ու բառերու նպատակայարմար ընտրութիւնը, նշելով, թէ անոնք արտայայտութիւն են կարեցկութեան ու մտահոգութեան հանդէպ Սուրիահայ գաղութին: Ան շարունակեց, թէ՛ բոլորս յոյսով ենք որ որոշ ժամանակ անց Սուրիան պիտի վերագտնէ խաղաղութիւնը եւ պիտի վերադառնանք մեր առօրեայ կեանքին եւ մաղթեց խաղաղութիւն եւ անվտանգութիւն: Վեր. Համայնքապետը ջերմօրէն ողջունեց եւ բարձրօրէն գնահատեց Տիար Կարէն Գրիգորեանի հաստատակամ ներկայութիւնը Հալէպ քաղաքին մէջ, անցած երեք տարիներու ընթացքին Սուրիական Հայրենիքին դիմագրաւած ճգնաժամին մէջ, հակառակ անոր որ ոմանք ջլատուեցան, ուրիշներ գաղթի ճամբան բռնեցին իսկ շատեր հաստատակամութեամբ կառչած մնացին Սուրիական հայրենիքի հողին իրենց կուր կամքով եւ հաստատական կեցուածքով:



Ապա Վերապատուելին շնորհաւորեց Հիւպատոսին ազնիւ մտադրութիւնը՝ Հալէպ մնալու որոշումը անցած երեք տարիներուն ընթացքին սերն ու ակնածանքը եւ հաւատարմութիւնը Հալէպահայ Հալէպաբնակ ժողովուրդին:

Հայ Աւետ. Բեթել Երկրդ. Վարժարանի աշակերտութենէն խումբ մը աշակերտներ հանդէս եկան՝ հայրենասիրական երգերով, 8-րդ կարգէն Սարօ Չուլճեան 9-րդ կարգէն Լուսինէ Սազեան ասմունքով: Տիկ. Թիթառ Չորպաճեան-Պալիօզեան ուսուցչակագմին անունով շնորհակալական եւ երախտանքի խօսք ուղղեց՝ վարժարանիս ուղղուած գիրին ի խնդիր: Ան յիշեց, թէ՛ ցնծութեան եւ ուրախութեան զգացումները միախառն ապրելով Վարժարանիս ուսուցչակագմին անունով խորհապէս շնորհակալութիւն կը յայտնենք Մայր Աթոռ Ս. Էջմիածնի Ամենայն Հայոց Կաթողիկոս Գարեգին Բ. Հայրապետին օրհնութեան գիրին, ինչպէս նաեւ ՀՀ վսեմաշուք նախագահ Սերժ Սարգսեանին շնորհաւորագրին համար, գիտակցելով, թէ հայրենիքը ընդմիշտ պիտի մնայ հոգածու սփիւրքի հայ վարժարաններուն վերելքի սուրբ գործին ի խնդիր:



Այս առթիւ 11-րդ կարգէն Կարօ Արսլանեան իր կարգին, աշակերտութեան անունով շնորհակալութիւն յայտնելէ ետք ըսաւ, թէ՛

հայրենիքն է այն ոյժը, որ սփիւոքի մէջ ապրող աշակերտին գոյատեւելու կամքն ու կորովը կու տայ, ի մասնաւորի այսօրուան հալէպահայ աշակերտը, զոր կանգնած էւ մահուան պայքարին ընդէմ կը շարունակէ իր ազգային պատկանելիութիւնը պահել, հակառակ տիրող բոլոր դժուարութիւններուն:

Պաշտամունքը վերջ գտաւ Տէրունական աղօթք «Հայր Մեր»-ի երգեցողութեամբ եւ Վեր. Համայնքապետ Յարութիւն Սելիմեանի առաքելական օրհնութեամբ: